

نومرو ۱۱ — ۲۴

نسخه سی ۲۰ پاره در



امور اداره و تحریریه و اعلانات و سائرہ ایچون مدبر  
مسئولہ مراجعت ایدلیدر .

آپونہ سی بر سنهك اعتباریله ممالك عثمانیه ایچون  
۱۵ و ممالك اجنیه ایچون ۲۰ غروشددر .

عراقی امتك مقالات متصوفانه لریه جریده  
صوفیهك حقیقه لری آجیقدر .  
شمذیلک اون بش کونده بر نشر اولنور  
عل اداره باب عالی جوارنده ابوالسعود جاده سنده  
نجم استقبال مطبعه سی

### تصوفی ، دینی اخلاقی ، جریده اسلامیه در

حشر اجساد ایله شوال قبر و وزن اعمالك  
و فوعی انكار ایدنلره قارشو

#### اثبات حقیقت

مرور زمانه چور و بوب وجود لرتدن اثر قالماز ، بنا علیه تحولات  
کونیة ايجاباتی چور و بوب تحمل ایدن اجساد میتنهك تکرار اسکی  
حاله رجوع ایله بر حیات اولمی قابلیدر ؟ بو عقلاً محالدر ...  
نظریه سیله مسلک لرینی تقویه به چالیشیرلر . آنلرک بوادعی و اهی لرینی  
ابطال ایدمک دلیل نقلی ، ( وَضْرَبْ لَنَا مِثْلًا وَنَسَى خَلْقَهُ ...  
الْح ) و ( اَلَمْ يَكُ نُطْفَةً مِنْ مَنِيٍّ يُُمْنَى ، ثُمَّ كَانَ عَلَقَةً فَخَلَقَ  
فَسَوًى ، فَعَمِلَ مِنْهُ الْزَوْجَيْنِ الذَّكَرَ وَالْأُنثَى ) الیس ذلک بقادر  
علی ان یحیی الموتی ) آیات ینانیدر . اشبو آیات کریمه مانلندن  
اکلاشدینی وجهله بویه جه انکار و ادیسنه قایلش اولان بر منکره  
قارشو خطاباً دیرزکه : ای لشکر بی اذعان !! سن و قتيله رحم  
مادرده مردار بر منینک تحولندن حصـوله گلش بر نطفه ایدک ،  
بعده علقه حالنده اول خالق اعظم سنک وجودینی قدرت صمدانیه  
سیله میدانه کتیردی ، اویله ایسه مردار بر مایعدن سنی وجوده  
کتیرن خالق ، ثولوب خاک ایله یکسان اولدقدن صکره تکرار احیا  
ایمکه قادر اوله مازمی ؟ .. البته قادر اولور .

ادله عقلیه کلنجه : احوال طبعیهده مشهود اولان تبدلاتی  
قیاسات عقلیه و فیه به ابتناء تشریح ایتدی کمزده حقیقتك نظام  
ایده جکی شه سزدر . مثلاً ، تعاقب ازمان ايجاباتی کیجه ایله  
کوندوزک اوزانوب قبصالماندن حصوله کنن مواسم اربعهده کی  
تحولات هوایهك اشجار و نباتات اوزرینه تاثیراتی نظر دفته  
آلدیغیمزده — وقت حزان دیدیکمز صوک بهارک نهایته طوغرو  
بر زمانده ، حالت نزع باقلاشمش آغیر خستهك حال پرملالنه  
مشابه اولتی اوزره اکثر آغاچلرک یازاقلری صاراروب صولهرق  
دوکولمکه باشلاز ، نهایت قیش موسمی حلول ایدز ایتمز ، مذکور  
آغاچلر قدیده حالنده قور و بوب اوزرلرنده حیاتدن اثر قالماز ،  
تا که بهشت آسا مناظر بدیع سیله اوزنالتی تزین ایدن بهار فیض  
رسان اریشدیمی ، عیشر کونی نفع صور ایله قیرلردن تکمیل  
موتارک دیر پلرک قالماری کی ، مذکور قورومش آغاچلرده

معلومدرکه ، اجتهاد افکار و اعتقاد نقطه نظرندن پک چوق  
صنوفه منقسم اولان انسانلردن اک ایلر کتلری ، باشلیجه ایکی  
قسمه آیریلشدر : آنلردن بری ، دینسزلکی کندنجه مدار افتحار  
عد ایتش ، نظریات عقلیه سنه مغلوب ، بعض سبکمزان ، دیگرکی  
ایسه ، اسلامیت ایله مشرف اولدینی حالده بعض منقولات شرعییه  
عقلنک احاطه ایدم مامسی یوزندن — انکار ایدن مذاهب باطله  
اصحابیدر . بو هرایی قسمک مثالی ، کاشانی نورلره غرق ایدوب  
کوندوزی حصـوله کتیره ن و بر چوق خواص طبعیهیه مالاك  
بولنان ضیای شمس ایله قراکلی کیچده محدود بر ساحیه قدر  
نشر ضیا ایدن ، بدنده کی آلکتریق فنارینک ضیای مصننک بر ،  
ادعای واهیسنده بولنان للهبایه بکزر ، شریعت مطهره اسلامیهك  
حقایق علویه سی ، شمس تابان کی هر طرفی نورلره مستغرق  
قیلدینی حالده نظریات عقلیه و فیه ایله غیر قابل قیاس اولان بعض  
منقولات شرعییه ، مذکور نظریه ایله چور و بوبک یلتنن سالف  
الذکر منکرین ، هر نه قدر مسلک لرینی ترویج بولنده عقلی و فنی  
ادله لرله حقایق شرعییه ابطاله سنی ایتسهر ، هر آن لمعایش اولان  
شمس حقیقت قارشو سنده آنلرک آلکتریق فناری مثالی ضیای  
مصنعلری سونوک قالیر . کله لم منکرین ایله اولان مناظره مزه :  
اولا حشر اجسادنی انکار ایدنلرک ادعای شودرکه ، ( اوت ،  
بر یوزنده یشایان انسانلره حیوانات سائره ، بعینه اشجار و نباتات  
کی کله کلدک نصکره خزان وقتی قور و مالربنه مماثل برکون کلیر ،  
آتشده یازوب کول اولور ، یرنجی جانوار طرفندن بارچه لنوب  
یهنیر ، صوده بوغولور ، بوکا بکزر احوال سائر ایله موت  
هادم اللذاتی نوش ایدرلر ، بعده طوراغه کوموله نارک جسدلری

بقدرت الله تعالى اثر حیات ظاهر اولوب دالارنده کی طمور جقارک چانلایه رق یا پرافلانوب طراوت قدیمه لرینی محافظه ایتمکاری — جمله مزک مشهوردی اولدینی بدیهی ایسه ده ، قدرت صمدانیه اثری اوله رق حشر اجسادک وقوعی محقق اولدینی بر صورت دیگرده ارانه ایدن شو نحوالات طبیعیه نك اتباع ایلدیکی حکمت ربانیه دن بی بهره اولانلر ، طبیعی مسلک لرنده تمردله انکاردن فارغ اوله . مایه جقاری شبه سزدر .

ثانیاً : آتشده بانوب کول حالنه کلش بر جسدک دیرلمی مسئله سی کلیر ، معلومدرکه ، ترکیه صیجاقلق دیدیکمز حرارت ، طبیعته اجسام بسیطه نك توسعه ندریجاً مایع و بخار حالنه انقلابنه واجسام مرکبه نك ایسه تحلیله خدمت ایدر .

ثالثاً : وجود بشرله ساثر اجساد حیوانیه ، (الضدّان لایجتماع) فحوا سی اوزره خواص حکمیه و کیمیه لر ی بکدی بکدر لینه ضد بر چوق مواد مرکبه دن ترکیب ایدرک میدانه کلدکاری حالده قدرت فاطره الهیه ایله خلق اولنش اجسام مرکبه نك تأثیر حرارتله تحلل ایدوب مواد مرکبه نك آیرلمیه بردها اوله اجسام محروقه نك ، قادر مطلق حضرت ترینک حال اصلیرینه ارجاعه مقتدر اوله مدینه حکم ایتک ، افعال الهیه به عجز اسنادی کی بر کفر عظیمه وارمق دیمکدر . حاشا ، ذات عظمت الهیه نك کافه مخلوقات ایجاد و ابداع خصوصنده کی قدرت و عظمتی میدانده ایکن ، اجتناع و امتزاجی عقلاً جائز اوله میه جق کی کورینه بر طاقم مواد مختلفه ی برلشدیروب اجساد حیوانیه حیات بخش ایله وجوده کتیره ن خلق ، اجساد مذکور ه نك احتراقندن صکره تکرار احیایه قادر دکلیدر ؟ البته قادردر .

ثالثاً : بیرنجی جانوار طرفندن پارچه لنوب اکل ایدیلن اجساد مأ کوله به کلنجه ، اشبو مأ کول اولان جسدک ذراتی آ کک جسدینه کیروب عینی بر جسد حکمنه کیرمش ایسه ده بسبتون محو اولماشدر . بالکیز ، مذکور جسدک عنصر اساسینی تشکیل ایدن حجیرات آبرله رق آ کک عناصر یله حل اولنوب بر جسد حالنه کلشدر . ذاتاً حقیقه نظر آ هیچ برشی اساساً یوق اوله ماز ، یوقله حکم ایتک بر حقیقی اعتراف ایتک دیمکدر . زیرا : یوق اولدینی فرض ایتدیکمز بر شیئک اولجه وارلغنی اثبات ایتش صایناوز ، برده آثار قدرت صمدانیه دن اولق اوزره تبدیل شکل ایدن بر جسم ، یکنظرده محو اولیور کی کورینهوز ، لکن ، امحو اولیور کی کوردیکمز جسم حقیقته اوله اولما یوب کندیسنی ترکیب ایدن حجیراتک آبرله رق بشقه برشکله کیرمسندن آتی اوله جه یوق اولمش کی کورورز . بناء علیه ، کاشانده مشاهده ایتدیکمز شو تبدلات احوال بو یوله جاریدر .

مثلاً : بر کیمیا کر ، معادن بسیطه دن باقر ایله چلیکی برپوته دروننده اذابه ایدمک نك تحلیط ایدوب بر خلیطه یاپارکه بیلدیکمز

(طونج) در . ینه آرزو ایدرسه اوطنو یی دیگر برقاب دروننده ایدمک نك تحلیل ایدوب مخلوط اولان ایکی معدنی آیره بیلیر ، مادامکه ، برانسان اجسام مخلوطه یی تقریبی ایتک اقتدارینی حائز بولینیور ، اوله ایسه خالق کائنات اولان الله عظیم الشانک بویه مأ کول بر جسدی تکرار اسکی هیئته ارجاع ایله احیایه قادر اوله مازی ؟ ! البته قادر اولور .

کلام اهل سنت مذهبه مخالف اولان ( معتزله ) مذهبک عقائد باطله سنه اوله ، عذاب قبر حقه ده درلرکه ؛ روح جسدن انفکاک ایتدیکی حالده حجاج حکمنه کیرمش بر جسدک عذاب قبری حس ایتسی فصل ممکن اولور ، بو عقلاً محالدر ، دیهرک بر جوق دلائل عقایه ایله سوزلرینی تقویه به چالیشیرلر . فقط : بونلرک سوزی بر درجه به قدر موافق عقل و حکمت ایسه ده ، قادر مطلق حضرت ترینک تصورات عقایه دن خارج نیجه صور . کیفیاتی اجرایه مقتدر اولدینی بیلیر ، بو جمله دن اولق اورره بی روح بر جسدک کافه اجزاسنده و یا خود بر قسمنده عذابک المنی ، نعمتک لذتی ادراک ایدمک قدر بر حیات برآغی حق تمالینک قدرتی داخنده اولدینه هره و من موحد کمال قوت قبله ایمان ایدر . زیرا ، بو کیفیت روحک بدنه اعاده سیله میتک چالیوب متحرک اولما سنی و وجودنده اثر عذابک مشاهدیه ایتسی اقتضا ایتز . بونک مثالی نائم اولان کیمسه نك رؤیاسنده بر طاقم خیالات کوره رک حصوله کلن تأثیر معنویدن کاه متأذی و متألم و کاه فرحناک اولسنه بکیز ، نصلکه ، انسانک اویقوده کوردیکی رؤیادن دولایی وجودتی قیبر دامیه رق روحک بدنه اولان علاقه سی بر مدت موقته ایچون یاری کیلمسندن نیم مرده بر حالده برقاب یاتیورسه ، تومش بر جسد انسانی نكده قبره وضع ایدلکدن صوکره ، عینی نائمک رؤیاسی کی حق سبحانه و تعالی حضرت ترینک مذکور جسد موقت بر حیات بخش ایله اثر عذاب و نعم جنتک لذت معنوی سنی حس ایتدیرمکه قادر اوله جنی شبه سزدر . حتی ، مأ کول انسانک بطن حیوانده مصلوبک هواده ، مغروقک صوده معذب اولدینی واردر ، واقعا ، بز بو عذابک صور و کیفیاته مطلع دکیز ، اما ، عالم السرو الخفیات حضرت ترینک عالم ملکوتنده کی غرائب احوالی تأمل ایدن کیمسه بویه شیری محال عد ایتک شویه طورسون — استبعاد بیه جرأت ایتز .

ثانیاً : معتزله طائفه سنک ( هیچ بر ثقلی حائز اولمیان عرضی بر شیئک طارقلسی قابل اولما دینی کی آخرتده اعمالک وزن ایدلسیده ممکن دکادر )

نظریه سنی ابطال ایچون بروجه آتی اثبات مدعاده بولنه رق دیرزکه ؛ سز بر طاقم افکار واهی ایله عالم آخرتی بو عالم دنیایه قیاس ایدیورسکیز ! فقط بو دنیایک مدت دوا می آخرتک بقاسنه

نسبتاً - رؤياده كوريان بر طاقم عجائب و غرائب مثل - هيج  
حکمنده در ، بو سیدن ( اعمال بر طاقم اعراضدن عبارتدر .  
آنار اعاده اولنسه بيله وزنی ممکن دکدر . برده اعمال مکلفین ،  
حق تعالینک معلومی اولوب بو جهته وزنی عبثدر . ) دهرک  
دلیل کتیرمهکز هر یرده امور آخرتی امور دنیایه قیاس ایتد .  
یککزدن ایلرو کایور ، بر احوال دنیای ایه . تبدلات متمایه  
ایچنده فنیاب اولوق کبی بر حالته مشاهد ایدیور . بوندن  
ماعد بو دار فناده امور معاملات بشریه بی بر انتظام تختنده ایفا  
ایتدیرمک ایچون قانون الهی نه بولده جاری اولمشه زده او  
حریان احواله تابع اولوق قوه عنایه مزک ادراک ایده جکی  
مقدارده انجق او نسبتده بولمش . عقلمزک ایرمدیکی نقطه نک  
غیر ممکن اولمشه بو سیدن قانع اولمشز ؛

اما امور آخرتک معاملات دنیویه مشابه اولمی لازم کله  
ایدی ، اودار بقانک عیناً بوردیا کبی فانی واوراده کی احوال  
وافعالک بوجهانده کته نمائل اولمی ایجاب ایدر ایدی ، حالوکه  
یوم آخرتک مدت دوامی الی غیرالهایه بقایاب اولوق ، و آنده  
حصوله کله جک معاملات بوراده کندن بسبتون بشقه اولمقددر .  
مع هذا ، طائفة مذکورنک وزن اعمالی عبث عد ایتدیرکینه  
قارشو - خالق اعظمک عبث اولوق هیچ برشی خلق ایتدیرکینی  
بالیان بعض احادیث شریفه وارد اولدیمشه کوره طاریله جق  
شی دفتر اعمالدن عبارت اولدینی و اعمالک وزن اولنمشده بزجه  
معلوم اولیان حکمتار بولنسی و بو حکمته عدم وقوفز فمک عبث  
اولمسانی ایجاب ایده میه جکی - درمیان ایدیلرک جواب ویرلیر .  
ادله مزی تقویه ایچون بر مثال کتیروب دیرزکه : بر مکتب  
فرض ایدلم ، طبیعیدرکه . او مکتبه موجود طلبه نک کافه سی  
ایاروده بررتبه رفیمیه نائل اولوق و بوقدر چکیکن زحمتک آئیده  
مکافاتی کورولک املیه کیجه کوندوز سی وغیرنه قصور ایتمیوب  
تحصیل علمله مشغول اولورلر ، اما ایچنرندن بعضیسی نسیل  
وخابلاز بولنه ییلیر . بو سیدن کرک مدیر مکتب و کرک معلمین  
آنری تأدیردن کیرو قالمالزر . اگر اصلاحی غیر قابل اولانلر  
وارسه ، آنلر استقبالی بی سبتون محو ایتمش اولورلر . شمدی  
بالفرض مدیر افندی تکمیل طلبیه خطاباً - سز معین بر مدت  
ظرفنده اکمال تحصیل ایتدیرکینر حالده بالامتحنان درجه لیاقتکزه  
کوره شهادتنامه ویرمدیکمز کبی هر برلریکزه تالیفانده ده  
بولنیمه جنز ، انجق جمله کزی انواع اشکنجه لرله هلاک ایده جکزه -  
دیسه ، عیجا اوراده کی جوجقارک نه حاله کرفتار اوله جقاری  
تفکر اولنسون ؟ نتیجه سی محوی موجب اوله جق بو قدر  
مساعیدن دولای کمال مأیوسله مکتبی ترک ایده جکلری طبیعیدر .  
ایشته بو عالم فانی ده بعینه مکتب کبیر ، ناسک هیئت مجموعهمیده  
او مکتبک طلبه لریدر ، معلمی پیغمبران عظام علیهم السلام

محمد حلمی

اه اعلم بالصواب

### ينوع العرفان في تعريف الانسان

مبدأ ومعاد اعتباریه انسان ایچون اوج طور تعین اولنه  
بیور [ لقد خلقنا الانسان في احسن تقويم ] ، ثم رددناه اسفل  
سافلین ، « الا الذين آمنوا وعملوا الصالحات فلهم اجر غير ممنون »  
آیات کریمهنده بو اوج طوره اشارت بلینه واردر .  
طور اول طور استعداد و قابلیت طور ثانی طور نزول و حیوانیت  
طور ثالث طور تکمل و انسانیت ایکنجیسی اولان طور  
حیوانیت طور قابلیت اله طور انسانیت آرمهنده ایکی دکر اره سنه  
کیرمش اولان قره بکزرکه [ صرح البحرین یلتقیان بینهما برزخ  
لا یبقیان ] آیت کریمه سیله اشارت بیوریلان عالم برزخدر [ هلاک  
علی الانسان حین مدالدم لم یکن شیئاً مذکوراً ] آیت کریمهنک